



Waerachtige Historie Van de Martelaers Van Gorcom

Estius, Wilhelm

Antwerpen, 1604

Capittel I. Van den tijdt deser gheschiedenis, ende vande ghesteltenisse
vande Stadt Gorcom.

[urn:nbn:de:hbz:466:1-64552](#)

17

Waerachtighe HISTORIE Van de MARTELAERS VAN GORCOM.

Het eerste boeck.

CAPITTEL I.

Van den tijdt deser gheschiedenisse, ende vande ghesteltenisse vande Stadt Gorcom.



In't iaer naer Christus gheborste vijf-
hien hondert twee-en-tseuentigh/
ten tijde van Philippus den tweeden
Catholijcken Coningh van Spa-
nien / als in sijnen naem Gouuer-
neur van gheheel Neder-landt was
Ferdinandus Aluarez Hertoghe van Alben / naer
dat de eerste troublen der beld-stormerijे in't iaer
1566. verweckt / deur de hulpe Godts / ende veur-
sichtigheydt van myn Vrouwe Margareta Herto-
ginne van Parma (die doe ter tijd inden naem van
de Catholijcke Maesteyt het Neder-landt regeerde)
en deur eenighe Heere geluckighlyck waren gheslist:
Soo heeft wederom in Hollandt ende Zeelandt
den op-roer van eenighe myst-maeckers / vanden
van Godt ende hunnen Coningh (die-men inden
loop Geusen noemt) beginnen te wassen in ghetal
ende maght / onder t'decksel van eenighen imy ost:
ende hadden nu al-reede den Briel / Flissinghen /
Enckhuyzen / wslende water-steden seer bequaem

B

tot

tot hen veur-nemen / met eenighé andere/ ende on-
der dien oock Alckmaer in henne maght ghecregē.
Oock ist ghebeurt niet langhe daer naer/ dat de
schoone Hollandsche stadt van Dordrecht deur het
af-vallen vande ghemeynre van dese menschen is
inne-ghenomen. Van dese stadt ointrent ses uren
reysens is gheleghen Gorcom (eer-tydts ghenoemt
Gorinchein) de principaelste stadt van het landt
van Arkelen/ oft (ghelyck sommighe segghen) Her-
culen : welche stadt niet soo seer groot / maer noch-
tans seer populeus ende wel gheleghen is ter coop-
manschappe / te weten/ op-den cant vander Maas/
seer bequaem ter baert . Als daer de tydinghe ghe-
romen was dat Dordrecht nu vande Geusen inne-
genomen was/ soo heeft dese nieuw-maer alle God-
vruchtighe menschen/ ende sunderlinghe de gheestel-
ijcke dienaers der heyligher Kercken seer verlagen/
wel wetende wie ende hoe-danighe byant dat hen
nakende was/ wiens aerdtin eenighé cruele exempe-
len versch bedreuen gheoegh blyckende was . De
Geusen met loosen ende quaden raedt hadden de
saechke vande religie ghemenghelt met het stuck van
het wereldlijck gouernement/ op dat sy den men-
schen eerst wijs maeckende dat onverzaghelijck
was de last van het tribuyt oft on-gheldt datter op-
ghestelt was / hen niet eenen souden moghen tre-
ken totten haet vande Catholycke religie : om dat
de Spaniaerden (van wien sy hen verlaeghden in
dusdanighe last ende seruitupt gebragt te worden)
de Catholycke religie bouen alle andere in eeren
hielen / ende mit aller neerstigheyt sochten te ver-
breyden / alle ketters doodelijck haetende . Om
welcke redene veur-waer de Spaensche natie alle
oprechte en verstandighe Catholijcken/ soo gheestel-
ijcke als wereldlijcke/ met recht seer lief-getal was.

Al-soo

All-soo was dan by de Geusen euen-eeng t'zij een
Papist oft Catholijck / t'zij een lief-hebber van
het Spaensche gouerneinent. Maer deur allen den
haet die-men op de Spaniaerden hadde / is ghe-
vallen op alle de Catholijcken : maer sonderlinghe
op de Gheestelijckheydt ende heligieusen / als de
principaelste ende uyt-gelesene ledelikens vande Ca-
tholijcke Kercke . De welcke ouer-sulcks deur het
wel ghelucken vande saecken der Geusen seer versla-
ghen ende met groote sorghvuldigheydt ende vreesle
ouer-al niet sonder redene behanghen waren / prin-
cipalijsk in de plaetsen die nu het perijckel alder-
naeste waren. All-soo wast dan ghestelt tot Gorcom
naer het ouer-gaen van Dordrecht.

C A P I T T E L II.

Van het Conuent der Minder-broeders , ende
den Gardiaen des-selfs Conuents , ende van
sijne vroom-hertigheydt.

In dese stadt was een Conuent van broeders onder
den regel van S. Franciscus Christo dienende/
d'welck niet van groote plaetse / oft schoone tim-
meragie / oft groot ghtal van broeders / maer van
de onder-houdinghe der strangher discipline seer los-
baer was. De broeders van dit Conuent waren
in grooter beduchtHEYDT om dat de vyandt soo nae
was / als kennende henne menschelijcke swaekheydt
ende wel wetende de wreedheydt ende onversoenel-
ijcken haet der Geusen teghen hen . Te dier tydt
was al-daer Gardiaen Nicolaes Pieck van dier
stadt ghebozen / een man van seer goedt en heyligh
leuen : wiens deught / vierighe sorghvuldigheydt
inde peuer deur de Catholijcke religie / gheduerende